

Ի. Չ. ԶԻՉՏԱՆ, ՏԻԵԼԵՐԴԻ մասին գիտության փիլիսոփայական և մերձդարձական պրոբլեմներ, Երևան, «Հայաստան» 1983, 176 էջ (ռուբրեն)

Փիլիսոփայական մտքի առաջընթացի կարևոր աղբյուրներից մեկը բնագիտական նոր գիտելիքի, հայտնագործությունների, տեսական ըմբռնումների փիլիսոփայական իմաստավորումն է, որանց մեկնաբանումն ու ընդհանրացումը Այս առումով առանձնապես արդյունավետ ու հետաքրքիր է աստղագիտական խնդիրների, տիեզերաբանական, ըմբռնումների փիլիսոփայական վերլուծությունը, քանզի դրանք անմիջականորեն աղերսվում են աշխարհի գիտական պատկերի, գիտական աշխարհայացքի ձևավորմանը և հասկանալի է, բնականաբար, որ այս բնագավառի ամեն մի գիտական հետազոտություն դառնում է ուշագրություն առարկա, մասնավորապես նկատի ունենանք, որ աստղագիտությունը, Տիեզերքի մասին գիտությունն առհասարակ, Սովետական Հայաստանի առավել առաջադիմող և ճանաչում ստացած գիտական բնագավառն է։ Ի. Չ. Զիչյանի մենագրությունը, որ նվիրված է տիեզերագիտական զանազան արդիական ըմբռնումների մեթոդաբանական վերլուծությանը, ուշագրավ հետազոտություն է ընդգրկված հարցադրումների շրջանակով։ Թեմայի ընտրությունը հավանաբար պայմանավորված է նաև Կ. Զիչյանի «անցյալով» և «ներկայով»։ Նա կրկնությամբ ֆիզիկոս է, սովորել է ֆիզիկայի դոկտ ասպիրանտուրայում, իսկ վերջին տարիներին զբաղվել է գիտական հետազոտության մեթոդաբանության հարցերով։

Ի. Զիչյանի մենագրության կառուցվածքն ունի իր տրամաբանությունը՝ նախ քննարկվում է մարտիրոսական փիլիսոփայության որպես ժամանակակից բնագիտության մեթոդաբանության հարցը (գլուխ I), ապա շարադրվում են աստղերի և զայակտիկաների էվոլյուցիայի հիմնական ըմբռնումները՝ դասական, ոչ դասական (բյուրականյան) (գլուխ II)։ Նորոգող գլուխն անմիջականորեն նվիրված է Տիեզերքի մասին գիտության մեթոդաբանական հարցերին։

Առաջին գլխի հիմնական նպատակն է պարզել, թե ո՞րն է մատերիալիստական դիալեկտիկայի մեթոդաբանական ֆունկցիայի իրագործման ֆունկցիան։ Այդ նպատակով նախ քննարկվում է բնագիտական գիտելիքի զարգացման ընդհանուր ուղին։ Որպես էլակետային վիճակ դիտարկվում է այն փուլը, երբ առկա տեսությունը հիմնականում բավարարում է նրան ներկայացվող պահանջները, և հետազոտությունները ծավալվում են տեսության հիմնարար սկզբունքներն ու մեթոդները նոր պրոբլեմների և բնագավառների շրջանակում տարածելու եղանակով, այսինքն աեղի է բռնում տեսության «էքստենսիվ» զարգացումը։ Սակայն, վերջի վերջո, հայտնի են դառնում այնպիսի նոր փաստեր, փորձնական տվյալներ, որոնք ոչ մի կերպ չի հայդվում «ստամարեցնել» հին տեսությունը, այն հայտնվում է «ճշմարտության» վիճակում, որի հաղթահարումը պահանջում է սկզբունքային նոր հաղափարների ներմուծում, էպպես նոր տեսությամբ

մշակում: Տեղի է ունենում բնագիտական տեսության թոփախալիս առաջընթաց, գիտական հեղափոխություն: Ծղ ինչպես վկայում է բնագիտության զարգացման պատմությունը, հենց գիտական տեսությունների ճգնաժամների և հեղափոխական տեղաշարժերի փուլերում է հատկապես ցայտուն ձևով դրսևորվում փիլիսոփայական սկզբունքների ու օրենքների կարևոր մեթոդաբանական դերը:

Փիլիսոփայական գիտելիքի մեթոդաբանական ֆունկցիայի իրագործման մեխանիզմում հերոնական առաջին թևերին էշում է փիլիսոփայական կատեգորիաների, օրենքների ու սկզբունքների հիմնարար նշանակությունը աշխարհի գիտական պատկերի ձևավորման գործում: Հենց աշխարհի պատկերի միջոցով են գիտնականները հաճախ յուրացնում դիալեկտիկայի ու մատերիալիզմի սկզբունքները: Իր հերթին սկզբունքային նոր բնագիտական հայտնագործություններն էապես նպաստում են աշխարհի գիտական պատկերի վերակառուցմանը, փիլիսոփայական գիտելիքների խորացմանը և զարգացմանը:

Փիլիսոփայությունը, մատերիալիստական գիտելիքի էություն ընէ հավակնում առաջարկել բոլոր գիտական պրոբլեմների լուծման միակ և համընդհանուր մեթոդը: Սակայն, ինչպես ընդգծում է հեղինակը, դիալեկտիկական մատերիալիզմն է, որ ապահովում է բնագիտական հետազոտությունների առավել արդյունավետ եղանակը և հետանկարային ուղին:

Երկրորդ գլուխը սկսվում է արեգակնային համակարգի առաջացման ու զարգացման հիմնական ուսմունքների նախադրանքով ու քննարկումով: Նույնպես հանգամանորեն լուսարանված են աստղերի էվոլյուցիայի բնական կոնդենսացիոն ըմբռնումը և գերիսոնախաստղային նյութի ու-հասական (բյուրեղային) տեսությունը: Հատկապես հաջող է ներկայացված գալակտիկաների կորիզների տիեզերագիտական ակտիվության զաղափարի առաջացման ու զարգացման պատմությունը: Այդ զաղափարի շնորհիվ գալակտիկաների աշխարհը, որը թերեւ ամենակայունն է համարվում մարդկությանը հայտնի օբյեկտների համակարգում, այժմ չիտարկվում է որպես դինամիկ, հսկայական էներգիա ունեցող և արտանետող զանգվածներ: Գալակտիկաների կորիզների ակտիվության՝ ակադեմիկոս Վ. Հ. Համբարձումյանի զաղափարն այնպիսի սկզբունքային դեր խաղաց տիեզերագիտության հետագա զարգացման պատմության մեջ, որ այն իրավամբ որակվել է որպես նոր Կոպեռնիկոսյան հեղափոխություն աստղագիտությունում:

Դիսի վերջին սուբադրաֆի նվիրված է ժամանակակից ռելյատիվիստական տիեզերագիտական մոդելների քննարկմանը: Հեղինակը հանգամանորեն ներկայացնում է այն աստղագիտական փաստերը և առնական ըմբռնումները, որոնք հիմք տվեցին Տիեզերքի «փակ» (ավելի ստույգ՝ տարածության մեջ վերջավոր, բայց անսահման) սլատկերացումների առաջադրմանը:

Ինչպես ասվեց, մենագրության կորիզը նրա երրորդ գլուխն է, որտեղ քննարկվում են ժամանակակից տիեզերագիտության մի շարք հրատապ փիլիսոփայական և մեթոդաբանական հարցեր. գիտական տիեզերագիտության ընդհանուր սկզբունքները, հիպոթեզների դերը տիեզերագիտական հետազոտություններում, ֆիզիկական գիտելիքների մակարդակի ազդեցությունը տիեզերագիտական գիտելիքի զարգացման ընթացքի վրա, «անսովոր» ու «արտաոռ» տիեզերագիտական ըմբռնումների մատերիալիստական մեկնաբանման խնդիրը, Տիեզերքի անվերջության պրոբլեմը:

Մենագրությունում հատկապես ու ազդավ է Տիեզերքի ռելյատիվիստական տիեզերագիտական մոդելներից բխող հետևությունների փիլիսոփայական իրավակացության հարքը: Հեղինակն այս առիթով նախ ընդգծում է, որ արդարացված ընէ սովետական որոշ մեթոդաբանների փորձերը մեղմացնելու այն սուր հատկությունները, որոնք առաջանում

են տիեզերագիտական մոդելներից բխեցվող հետևությունների և ընդունված մատերիալիստական սկզբունքների միջև:

Այդ հավաստիւթյունները առաջանում են գլխավորապես աշխարհի (Տիեզերքի) տարածական և ժամանակային բնութագրերի կապակցութեամբ: Դիտելատիկական մատերիալիզմի դասականները բազմիցս ընդգծել են աշխարհի անվերջութիւնը ժամանակի առումով, նրա անեղծելիութիւնը և հավիտենականութիւնը, որի հետ էլ անմիջականորեն կապված է նաև աշխարհի տարածական անվերջութեան սկզբունքը: Իսկ ռեյալիստական տիեզերագիտութիւնում տիեզերական նյութի միջին խտութեան որոշ կրիտիկական մեծութիւնից ափել լինելու դեպքում համաշխարհային (տիեզերական) տարածութիւնը վերջավոր է: Ինչ վերաբերում է Տիեզերքի ժամանակային բնութագրին, ապա այստեղ վիճակը դեռևս բարդ է: Ընդլայնվող Տիեզերքի բոլոր տիեզերագիտական մոդելներում անհրաժեշտաբար Լեֆաշդում է (ափելի ճիշտ՝ հետևում է), այսպես կոչված «սինգուլարութիւն», «գրո-պա», որին չափազանց դժվար է տալ այլ մեկնարանութիւն, քան թե «աշխարհի սկիզբ», տիեզերական ժամանակի սկիզբ:

Հետաքրքրական է նաև մենագրութիւնում Տիեզերքի անվերջութեան հարաբերական բնույթի Ա. Լ. Զելմանովի զաղափարի քննարկումը: Ռ. Զիշլանը այստեղ ուշադրութիւն է դարձնում այն հանգամանքի վրա, որ նշված զաղափարը հիմնվում է որոշ վիճելի Լեֆաշդութիւնների վրա, և այդ պատճառով դեռևս չի կարելի պնդել աշխարհի տարածածածականային անվերջութեան բնութագրի հարաբերականութիւնը:

Ընդհանուր առմամբ Ռ. Զիշլանի մենագրութիւնը զրկված է գիտական բարձր մակարդակի: Եվ հենց այսպիսի աշխատութեան ընթերցումից հետո են առաջանում զանազան ցանկութիւններ, առաջարկութիւններ: Մասնավորապես անհրաժեշտ են համարում նշել քնադատութեան փոխտնտիպական պրոբլեմներին նվիրված աշխատութիւնների հազվագէտութիւնը և այս տեսակետից անզրադառնալով ընկ. Զիշլանի աշխատութեանը պահանջ է առաջանում հեղինակին մեղադրել հակիրճութեան մեջ, թեև իհարկե նա եղած բացը չափ ւանով լրացրել է: Նշելով կատարված դրական աշխատանքը, կարծում ենք, որ քնադատութեան և փոխտնտիպութեան փոխհարաբերութեան որոշ հանգուցային հարցեր (շեշտելով տիեզերագիտութիւնը) կարելի էր ավելի հանգամանորեն արծարծել: Մեր կարծիքով թերի են լուսարանված բյուրականյան ուղղութեանը հակադիր ուղղութեանները, որոնց քննարկումն անպայմանորեն առնչվում է մեթոդաբանական հարցերին: Հեղինակին այս պարագան ափելի լայն հնարավորութիւններ է ընձեռներ և ափելի կոյուրացներ իր համակցանքը հանդեպ բյուրականյան ուղղութեան արտահայտելու համար: Մենագրութիւնում առաջադրվել են բազմաթիւ դրույթներ, կարծիքներ (օրինակ գիտնականների անհատական ստեղծագործութեան դերը), որոնց կարելի է հակադրվել, բանավիճել, սակայն իհարկե ոչ այստեղ: Հարկ ենք համարում նշել, որ մենագրութիւնը իր թերութիւններով հանդերձ, թողնում է դրական տպավորութիւն և կարող է բավարարել ամենախիստ ընթերցողի պահանջները:

Վ. Վ. ՊՈՂՈՍՅԱՆ